

## 01 世間第一慾

卓美玲

聽講生因誠辛苦，催陣的時有偌疼？有人講袂予銃子彈著，嘛有人講彼種疼，親像刀仔咧剝全款。阮阿母生產的時，疼三暝三日生甲艱苦罪過閹陰險仔無命，尾仔拜託醫生緊共破腹。自破腹彼工到今，阿母的腹肚皮面頂，除了有真濟皺痕，閨有一條十外公分的疵，阿母講這是一逝性命的紀錄線。

自細漢我就足愛和阮阿母話仙，逐工放學轉到厝，我攏會緊共伊攏一下，隨共我佇學校發生的大細項代誌和伊分享。有一改轉到厝，看著阿母佇門口埕，我隨從去共攏咧，啥人知影煞害伊跋甲吭跤翹，伊驚我摔著傷，家己煞點出釘仔，跤頭趺闊裂一空，血水滔滔滴。暗頭仔我行去伊的眠床邊，輕聲細說共問講：「會疼袂？」阿母硬氣講：「今生你的時疼三工，都無咧亨矣，這馬小可仔擦破皮，袂死啦！是講你食毋著藥仔喔！雄雄從倚來，是咧著猴hiooh？」我倚佇阿母身軀邊共司奶奶講：「你的生日欲到矣，你愛我送你啥物？」阿母隨應講：「三八啦！你健健康安，莫定破病，我就誠萬幸矣。」自阿母跋倒彼工到今，伊的跤頭趺面頂關加一逝疤，阿母講這是一逝幸福的紀錄線。會記得讀幼稚園的時，我問阮阿母會使生一个阿兄予

我做伴袂？伊煞吐大氣幌頭講：「慾困，阿母的工廠已經無咧生產，原料嘛強欲過期，這馬生蟲母有啦！」阿母這個憲查某為著欲生我食真濟苦，醫生是對臺灣頭看到臺灣尾，伊講：「漢醫、西醫精差無去看獸醫爾爾，宮廟一間一間拜，連童乩拆的藥單嘛诓提有著。」佳哉四冬的向望，天公伯仔有靈聖，予阮有機會做母仔困。  
阿母就按呢慾憲仔共我戚，驚我寒、驚我熱。寒人的時，伊不時喝艱苦，因為伊身軀頂的兩逝紀錄線會發癢起癢，毋遇阿母那抓那笑講：「我歡喜啦！我甘願啦！」看著彼兩逝紀錄線，我閣較了解啥物是堅強、啥物是偉大。阿母有歲矣，嘛定喝忝，這馬日頭傷猛，我會倚佇阿母頭前共伊遮日。有代誌愛擔，阮肩胛頭的氣力嘛已經攢便便。我想：因仔會精光成人，攏是有遮濟世間第一慾。

## 02 共阿母比一个讚

白麗芳

大概半冬前的一个禮拜，阿母去朋友個兜做饅頭。個共中麪粉、水、糖侖發粉攬攬、揷內閣捏捏咧，等發酵好勢共炊予熟，就變做饅頭矣。這是阿母頭擺學做麵粉路，伊感覺有夠神奇的，就想欲家己做看覓，隨去共遮的食材款齊著，佇灶跔起鼓矣。遇三、四點鐘，燒漫漫、猶咧衝煙的饅頭誠實擰出來囉！阿母常在講伊預顛扞杆灶，袂曉變食的，遮的饅頭做了無嫡款，毋過我認為伊已經蓋厲害矣，干焦去綴人學一改爾，就有才調做出來，非常值得呵咤，所以我共阿母比一个讚！

窮實阿母的工課真無閒，但是自從伊學會曉做饅頭了後，伊足興嘛足綿爛做，見若稽頭閑縫伊就做，做好就冰冷凍，共冰箱欖甲滇滿滿，阿若阮的早頓，免講嘛知，當然逐工擺是饅頭。阿母驚阮食甲嘗，就變換各種口味，親像金瓜、牛奶、綠茶侖芋仔。伊閣驚營養無夠，就加餸一寡像紅豆、核桃花葡萄乾遮的配料。伊講家己做的饅頭，毋但省錢、衛生，猶會當做侖象、有特色的口味，這去外口百面無地買。

是講有時星光、有時月明，猴也會跋落樹跋，阿母咧做饅頭有當時仔嘛會脫篷。籠床一下掀開，看著饅頭毋是

膨皮、金滑的，煞是皺襞襞兼糜糜卵卯，阿母的面隨捋落來，精差目屎無輾落來爾爾。好佳哉伊袂饅志，若毋是去網路查，就是去請教朋友，研究到底失敗的原因是啥，聽好成做後過的參考。

當我饅頭食甲淡淡薄仔起食的時，無疑悟阿母閣綴人學著做鮑侖葱仔餅，這聲伊閣加兩項麵粉路通變矣，尾後阮的早頓，總算有鮑、饅頭侖葱仔卵餅三種咧輪，袂孤一味饅頭爾爾。我若繁去學校食，同學攏真好玄，嘛真欣羨我食的是阿母親手做的愛心早頓。

我咧想，後擺我若離開厝出去外位蹕，我定著會數念阿母的麵粉路。阿若伊拍斷手骨顛倒勇、儼硬拍拚的精神，正正是我上蓋佩服的所在。講到遮，我欲閣共阿母比一个大大的讚！

## 03 永遠毋放棄

### 顏銘志

是啥物款的原因予一个自三歲就半遂的查某囡仔，毋管好天抑歹天，逐工對臺中騎機車到彰化練習健力。敢講是受人強迫，抑是有足大的利益？攏毋是！是一份欲證明家己存在的志氣，予伊忍受淋雨曝日的困苦伶稀微，猶原堅心不移，永遠毋放棄。

年初，學校仔行善心人士的幫贊下，邀請著咱臺灣六屆怡運<sup>1</sup>健力國手，嘛是得著2021年總統教育獎的林亞璇小姐，專工對臺中坐高鐵落來高雄，侷阮學校的囡仔分享伊性命的歷程。伊坐仔輪椅，喙笑目笑哈逐家相借問了後，就沓沓仔講起伊充滿鹹酸苦澀的人生。

頭起先講著細漢讀冊的時陣，因為坐輪椅無法隻上遊覽車，逐擺校外教學攏干焦會當請假仔佢厝，所以就下願，大漢以後欲環遊世界，四界去迢迢。繼落來講起從高中開始加入健力社團，出社會食頭路三冬，有機緣闔轉去學校專心訓練健力。為著每月日的所費，捌跔工廠做散工，將貼紙貼仔物件頂懸，貼一个趁三仙錢。雖然趁小錢，毋過「加減趁，較袂散；加減汰，就免借。」落尾講著出國比賽，伊有當時仔會仔上重要的時陣失敗，復健師共講健力愛靠手力伶腰力，因為伊龍骨著傷，無法度靠腰的力，所

以練到遮已經盡磅矣，永遠無可能會著頭名！

比賽輸去閣聽著這種話，予伊那想那流目屎。毋過伊毋願按呢就放棄，顛倒閤較拍拚訓練，共食苦當做食補。因為伊知影，肯想就有步，肯行就有路。毋驚比賽吊車尾，只驚永遠無機會。伊講甲誠輕鬆，我聽甲真沉重。想講這款代誌假使發生仔家己身上，敢會像伊遐爾勇敢、遐爾堅強？當咧思考這個問題的時，坐仔身邊的同事輕聲細說講，本成猶閣咧煩惱五、六年的囡仔敢坐會牢，想袂到逐家攏聽甲耳仔覆覆，親像會當感受著林小姐彼種拍斷手骨顛倒勇、永遠毋放棄的精神。

是啊，就像咱列教育學生全款，準做個頂頑、狡怪，咱嘛是愛有耐性，勻勻仔共個開破、教示，永遠毋通放棄。

<sup>1</sup> 帕運(Phà-ūn)